



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 292. An & quomodo liceat aliquando Confessario uti scientiâ confessionis ad avertenda mala vel evitanda peccata.

urn:nbn:de:hbz:466:1-42433

em non
data; datam;
od con-
quod
Aversa,
cere li-
ea de
eius &
sus sed
achari.
t Con-
tamen
38. ei
cendo,
n, ni-
debes
publicē
atum,
i Con-
o oeu-
et sigil-
si usque
onis, ut
il extra
eos ora-
nem se
Quam
bidem
Iurimi
orvus
pecca-
tropier
n. 146.
, si oc-
culte
citatē petat dandam esse Communionem. De-
nique dicendum est frangi sigillum, si Confes-
sarius altâ voce vel alio modo per circumstan-
tes intelligibili arguat pœnitentem, hoc ipso
enim manifestat hunc asserre materiam gra-
vem, circa quam mereatur specialem cor-
reptionem vel examen exactius, quam fieri
soleat in venialibus. Meritò S. Carolus Borrom.
Instr. Pastor. c. 12. ait, *Caveat omni modo peccati*
āse auditī gravitatem gestū corporis vel nutu capitis
circumstantib⁹ prodere. Addit c. 19. *Verbum nul-*
lum ex ore ejus excidat, ex quo aliquo modo in peccati
quantumvis levissimi, quod in confessione dictum sit,
non uitam ejus venire possit. Et Cap. *Omnis De pœn.*
& remiss. dicitur, caveat autem omnino, ne verbo
aū signo aut alio quovis modo, aliquatenus prodat
peccatorem.

Q. 292. *An & quomodo liceat aliquando Con-* 1975.

fessario uti scientiā confessionis ad avertenda mala vel
evitanda peccata: R. §. 1. Docuerunt aliqui fuisse
aliquando salvo sigillo licitum Confessariis de-
ferre ad Episcopum **enormia** crima pœni-
tentium, ut mala, quæ ex illis nasci poterant,
caverentur, sed rectè eos confutat Francol. in
Cler. Rom. p. 1. d. 12. patet enim ex dictis per
hoc confessionem reddendam esse odiosissi-
mam.

§. 2. *Malderus docet usum scientiæ confes-* 1976.

sionis non esse illicitum, si fundari possit etiam
in aliis cognitionibus non dependentibus à
confessione, & nemo inde venire possit in
suspicionem factæ confessionis aut secreti ejus,
v.g. Confessarius ex confessione novit sibi
porrigendum in potu venenum, potest, inquit,
declinare potum prætensā aliā causā, imò te-

Tom. VII.

Iiii

néri

neri dicit Cón. ne vitam prodigat. Item ex confessione scit, quod Titius domum redituro pareret mortem, potest non redire, inquit Sanc. quamvis Titius recogiter id fieri ex scientia confessionis: Et pro hac sententia refert Ills. n. 244. Scot. Henr. Castrop. Tamb. Sporer & alio, addens à n. 257. si in similibus casibus penitenti nullum aliud incommodum causeret præter impeditiōnē peccati vel occasio peccati, non frangi sigillum, quia hoc non est re ipsa incommodum sed beneficium. Alii ulteriorem dant rationem, quia Confessarius utitur jure suo, cui non fuit præjudicatum per confessionem auditam, nec quisquam ideo retractetur à confessione. Similiter docent S. Th. Regin. Mald. si Confessarius ex confessione noviter peccatum unius è communitate, à quo sit periculum seductionis aliorum, posse & ex charitate teneri dicere illi, qui curam habet, ut diligenter vigilet super gregem suum. Item qui ex confessione scit Regem occidendum, posse in genere monere, ut sibi caveat. Putat etiam Cón. quod Laym. dicit esse probabile, si Superior ex confessione sciat subditum noctu per aliquod ostium exire ad peccandum, quod p. sic curare illud claudi; E contrà Suar. Vasq. Prep. Bonasp. Dicast. Steph. Aversa q. 18. f. 8. Stoz nū. 253. dicunt Confessarium vel Superiorē talēm sic debere se gerere, tanquam si nihil sciret, audita enim in confessione minus scit quāc nescit, inquit S. August. & ex confessione scitur est quasi nescitum, inquit S. Tho. in supplem. q. 11. a. 1. ad 1. Et cūm sciat ut Dei locum tenens, non potest uti pro humano commercio, alias divina confundit cum humanis: hinc Delrio dicit omnino

omnino probabilius esse , quod de omnibus istis filere debeat, seque & omnia Deo committere, tum quia hoc plurimum facit ad reverentiam Sacramenti simulque ad augendam apud omnes securitatem sigilli , tum etiam quia quamvis Confessarius non teneatur in omnibus perinde se habere atque si nihil sciret , sed in his solum , in quibus esset odium confessio- nis vel gravamen pœnitentis , tamen ut sen- tentia opposita redigatur in praxin , opus est tam multiplici circumspectione , ut difficile sit non violari sigillum, ita etiam Harts à nu. 170. Et ob rationes datas docent Silv. Bonac. Dicast. Stoz n. 251. contra Tamb. & Lugo d. 23. nu. 125. si ideo nolim legere Missam in Ecclesia , quam ex sola confessione scio esse publicè pollutam, frangi sigillum: sed Aversa l. 8. dicit talia esse licita, si nec revelatio peccati nee ullum grava- men pœnitentis inde resultet.

§. 3. Authores plures quam 40. quos refe- 1977.
runt Sanch. De Matr. l. 3. d. 16. n. 2. Mendo diff.
10. q. 8. Stoz n. 244. docent Confessarium, qui ex sola confessione novit pœnitentem in- dignum esse officio, posse ideo illi in electione gratuita & secreta denegare suum suffragium , quia utitur jure , quod habet ad non promo- vendum indignum ; imò aliqui dicunt ad hoc teneri, si alioquin pateretur bonum commune: sed hæc sententia non videtur practice proba- bilis, nam anno 1682. die 18. Nov. in Congreg. Generali Universalis Inquisitionis emanavit hoc decretum. Præviā maturā consultatione DD. Consultorum facta fuit discussio sequentis proposicio- nis , scientiā ex confessione acquisitā uti licet, modò fiat sine directa aut indirecta revelatione

Iiii 2

& gra-

& gravamine pœnitentis, nisi aliud multò gravius ex non usu sequatur, in cuius comparatione prius metitò contemnatur. Additâ deinde explicatione sive limitatione, quod sit intelligenda de usu scientiæ ex confessione acquisitiæ cum gravamine pœnitentis, seclusâ quacunque revelatione, atque in casu, quo multò gravius gravamen ejusdem pœnitentis ex non usu sequeretur: Et statuerunt dictam positionem, quatenus admittit usum dictæ scientiæ cum gravamine pœnitentis, omnino prohibendam est, etiam cum dicta explicatione sive limitatione, & presenti decreto prohibent, ne quis ultrà audeat talem doctrinam publicè aut privatim docere aut defendere sub pœnis arbitrio S. Congr. infligendis, mandante etiam universis Sacramenti Pœnitentiæ Ministris, ab ea in praxin deducenda prorsus abstineant. Itaque nunc est certum, illicitum esse uti scientiâ confessionis cum aliquo gravamine pœnitentis, quamvis absit omnis sigilli revelatio, & quamvis multò majus gravamen ejusdem pœnitentis ex non usu sequeretur. Quoad superiore Religione Clemens VIII. in decreto 26. Maii 1594. mandat, ut caveant, ne notitiâ confessionis utantur ad exteriorem gubernationem: quod pro Societate J E S U severissimè prohibuit anno 1590. Claudio Generali apud Ill. n. 259. ideoque non licet ipsis ratione talis notitiæ statuere novas leges, crebrius visitare, magis attendere &c. etiam secluso omni revelationis periculo Stoz num. 254. contra Fagund Tamb. & alios, quorum sententia non est amplius probabilis, Viva in append. ad prop. damn. §. 9. dub. 1. Ad hoc, quod dicitur diligentem uti jure, quod habet ad repellendum indignum, nego habere jus, si ex sola confes-

sion

fione noverit esse indignum : unde illicitum est aliquem ideo removere ab officio etiam ad nū-
rum auferibili, Bonac. Stoz nu. 251. Mendo q. 9.
aut admonere superiorem, etiam simulando
se aliunde habere notitiam criminis, *Dicast.*
Stoz n. 255. aut ideo se ostendere illi asperiorem
facto vel verbo, *Lugo, Stoz,* aut negare alicui ar-
ma , quem ex confessione scio habere aliquid
contra me : aut famulum suum dimittere ,
quem sic cognovi esse furacem, Stoz num. 251.
Quod si Confessarius talem famulum in Con-
fessionali juberet clavem reddere aut suā spon-
te discedere, frangeret sigillum, quia hæc jussio
est actus non spectans ad confessionem , ergo
censetur confessionem interrumpere & extra
illam hoc loqui, *Lugo, Aversa* f. 8. Stoz. Ratio
omnium est, quia quidquid afferret incommo-
dum pœnitenti, quamvis abesset periculum re-
velandi peccatum, & ita clam fieret , ut nemo
adverteret , meritò redderet confessionem o-
diosam , si pœnitentes scirent sibi talia incom-
moda fieri posse propter notitiam in confessio-
ne datam. Hinc si Cajus confessus esset se vitio
carnis deditum esse & primum ad seducendos
alios , Confessarius sciens condormire pueris
innocentibus nequidem indirectè posset face-
re, ut inde amoveretur , si hoc cederet in ali-
quod ejus incommodum, quamvis nec Cajus
nec ullus aliis adverteret hoc fieri ex scientia
confessionis, Steph. n. 219. addens n. 221. cum
Lugo d. 23. n. 102. & *Aversa* f. 8. si nullum es-
set inde incommodum pœnitentis, non frangi
sigillum , quia nec peccatum revelat , nec con-
fessionem reddit odiosam. Similiter si superior
ex confessione sciāt aliquem non esse Sacerdo-

Iiii 3

tem

tem adeoque omnes confessiones apud illum esse irritas, non ideo posset illum non designare in Confessarium, si alias hoc erat facturus, sic enim tantum materialiter & ex causa cooperatur istis sacrilegiis, Dicast. Item frangit sigillum Magister Novitiorum, si, quem propter vitia vel alios defectus ex sola confessione novit esse ineptum aut fore perniciosum religioso Ordini, ideo suo voto in Capitulo rejiciat, aut aliter directè vel indirectè faciat rejiciendam professionem.

1978. §. 4. Quando ex non usu scientiæ confessionis deberet Confessarius facere aliquid intrinsecè malum, usus illius scientiæ est licitus & necessarius, ut si maritus invitâ uxore suscepisset Sacerdotium, & in proximo periculo mortis uxoris, audiens ejus confessionem intelligeret peccatum, ex quo cognosceret Matrimonium suum ab initio fuisse invalidum, si putatitia uxor convalesceret, non posset maritus ei petenti reddere debitum, quamvis ipsa adverteret eum negare propter scientiam confessionis, nam talis redditio debiti esset certa fornicatio intrinsecè mala, Deus autem per obligationem sigilli non potest velle id, quod est intrinsecè malum, Ills. n. 253. Addit, si sciam ex confessione aliquem non esse Sacerdotem, me posse desinere ipsi confiteri, quia sic simulare susceptionem Sacramenti est intrinsecè malum: Consentit Sanch. si hoc non sit isti homini displiciturum, ideoque per hoc confessio non fiat illi odiosa. E contrà. Lugo n. 105. Dicast. d. 12. n. 158. Viva §. 9. Sto2 n. 251. probabilitis dicunt posse & debere pergere ita confiteri, nam dicere sua peccata non Sacerdoti sine intentione

tione **absolutionis**, non est intrinsecè malum,
& ex causa ista videtur talis simulatio ac coo-
peratio ad peccatum illius hominis esse mate-
rialis tantum.

§. 5. Si Confessarius ex confessione sciat 1979.
mulierem solere confiteri carnalia, & exinde se
multum tentari, non potest emanere, si remo-
vere possit periculum proximum lapsus, alias
frangit sigillum. *Dicast. p. 11. t. 5. R. 15. Steph. n.*
223. Aversa suprà. Si tamen per hoc exponeret
se periculo proximo lapsus, deberet emanere,
quia se tali periculo exponere est intrinsecè
malum. Item posset emanere, si sciret eam
vocare, non animo confitendi sed v. g. sollici-
tandi illum ad peccatum, *Aversa*, id enim novit
aliunde quam ex confessione sacramentali.

Q. 293. An Confessarius post datam absolutio- 1980.
nem vel in alia confessione possit non petitá veniā lo-
quicun pœnitente de auditis in confessione. Bz. §. 1.
Potest statim post **absolutionem**, v. g. admo-
nendo de vitandis occasionibus, quia cùm in
continenti, id est, pœnitente & Confessario ad-
huc existente in **confessionali**, fiat, censetur ju-
dicium adhuc durare saltem integraliter, *Præp.*
Henriq. Tann. Dicast. Tamb. Aversa, Lugo d. 23.
n. 129. Stoz n. 194. Ills. n. 250. contra Fagund.
An autem hoc liceat, quando pœnitens è con-
fessionali discessit, dixi n. 1776. Item an hoc
liceat ad corrigendum vel supplendum defe-
ctum à Confessario commissum, dixi n. 1776.

§. 2. Si Confessarius in hac confessione lo- 1981.
quatur cum pœnitente de auditis à se in alia
confessione, non frangit sigillum, quia loquitur
in eodem foro, *Gran. Mald. Lugo* aliique mul-
ti cum *Aversa* q. 18. s. 6. quod certum esse
dicit
Iiii 4